



Шормо эл, порымлык да рум бер!

17-ше (3353) №,
2018 ий 28 апрель,
шуматкече.

ЯМДЕ ЛИЙ

1933 ий 1 февраль годсек лектеш.

0+



НКА-н архивше гыч налме фото.

ТАЛЕШКЕ — ЭРЫКЫМ САКЛЫШЕ

Вүдшор тылзын 21-ше кечынже Озангыште илыше марий-влак Келшымаш пörтыш чумыргышт. Толшо-влак коклаште кугыенат, икшыве-влакат лийыныт. Эн ончыч нуно Марий талешке кечым пайремлышт. Мый марий патыр-влак, пайрем кунам эрташ тунгалме нерген каласкалышым, возымо почеламутем лудым. Марий рушарня школыш коштшо йоча-влак коклаште эртарыме «Марий патыр» сүрет конкурсым иктешлышна, сенгыше-влаклан пöлекым кучыктышна. Ты кечынак Озан олесе марий калыкле-түвыра автономийын (НКА) погынымашыже эртыш. Вуйлатыше Л.И.Мусихина эртыше кум идалыкысе пашам иктешлыш да ончыкылык паша радамым палемдыш. Вара 9 еган активым сайлышт. Вуйлатыме пашам марий талешке Людмила Мусихиналан умбакыже шуаш ұшанышт.

Т.Э.ИБАТИЕВА,
Марий рушарня школын туныктышыжо.

Снимкыште: (шола гыч пурлашке) Владимир Колсанов, Эдуард Хафизов да Кристина Романова сүрет-влакым ончат.

Йошкар-Оласе 1-ше номеран школышто «Ший талешке» республикысе конференций эртен. Тунемше-влак коклаште презентаций конкурслийын. Этнографий тоштерым почыныт. 19-ше номеран школышто краеведений дене конференций лийын.

26 апрельыште Йылмым, литературым да историйым научно шымлыше марий институтын пырдыжешыже В.М.Васильевым шарныме онам пижыктыме. Институт талешке-просветительнын лумжым нумалеш.

«XXI курым тунгалтыште ешын поянлыкше да тукумвож серлагышыже» краевед конференцийыш түрлө районысо да Йошкар-Оласе школла да тунемме тонежла гыч 25 ұдыр-рвезе ушнен.

ЛОТЕРЕЙ! Йолташ, телым курык гыч мо дене мунчалтет? Издер, ече дене? А ме ватрушкым темлена. Потерей модышын тунг призшым куштылгын модын налаш лиеш. Тидлан почто связь отделенийыш каен, 2018 ийын II пельжлан «Ямде лий» газетлан подпискым ыште, квитанцийжым але копийжым редакцийыш колто.

Индекс —
П4696.

10
гыч 20 май
марте
Россий
мучко подписке
декаде эрта.
Газетлан шулдырак ак дене
возалташ лиеш.





Эшпай дене пырля



– Шочмо Марий кундемыш толын коштымжым ачам кажне гана порын шарнен. Тудлан Йошкар-Олаште, Республикысе сымыктыш училище ончылно, памятник шогаш тўналеш манын ўшанем, – ойла Андрей Андреевич.

да калык-влакын пашашт шотышто министр К.А.Иванов 24 апрельыште Усталык ушем-влакын пўртыштышт вашлиймаш годым. – Тиде пашам пагалыме Андрей Андреевич Эшпайлан темленна. Тудо уло кумылын келшен. А.А.Эшпай – землякна, лўмлў композитор Андрей Яковлевич Эшпайын эргыже. Тудо режиссёр, ятыр чапле кином сниматлен.

А.Эшпай ден К.Иванов, Какшан сер мучко Йошкар-Олам ончен коштшыштла, мемнан редакцийышкат пурышт. Шукерте огыл куснымо у оралтынам ончалыч, пашана дене палыме лийыч. Тыге «Ямде лий» газетын 85 ияш юбилей идалыкше эше ик вашлиймаш дене историеш возалте.

Л.СЕМЕНОВА, тўн редактор.



Поро паша – тиде шўм гыч лекше польш. Мый авамлан каныш кечын тўрлў пашам ышташ полшем. Пўртым эрыктем, изи шольым модыктем, тудым оролем, кўмыж-совлам мушкаш полшем. Тыге авамын пашаже изишлан шагалемеш.

Богдан ГАВРИЛОВ.

Морко, Коркатово.

*Марий
Элыште пудий
лекташ
тўналын.
Шекланьыза!*

*Йоча-
влак,
Всероссийский
сочинений конкур-
сыш ушныза. Тўрыс
уверым www.arkpro.ru/vks
сайтыште
ончыза. Рушла да
марла возаш
лиеш.*

*Кинде –
кид вўдотыза.*

28-29
апрельыште
корнысо самырык
инспектор-влак
«Лўдыкшыдымў
орава» республи-
кысе конкурсыш-
то таңасат.

*Тўшто: кла-
тыште пазар
шовыч кеча.*

*Таче
Йошкар-
Оласе
В.И.Ленин лўмеш
площадыште рес-
публикысе тунемше-
влакын ыштыме сату
да кидпаша
ярмингашт 32-шо
гана эрта.*

*Шошыл
кўдырчў талын
шоктен толеш –
кинде шочеш.*

Пагалыме марий-влак!

Марий Мер Каңаш лўм
дене кугу марий пайрем –
Марий талешке кече –
дене саламлем!



Тений Марий талешке кечым коло кандашымше гана палемдышна. Тудо Марий Элыште веле огыл, пўтынъ марий тўняште кумдан шарлен. Марий калык шке йырышт тале сарзе-влакым чумырышо кугезе онжо-влакым жапла. Патыр-влак тўрлў тушман деч калыкнан илышыжым да эрыкшым, шочмо мландын моторлыкшым, курымла дене виян толшо верам, йылмым да тўвырам араленыт. Марий калык акрет годсо талешке-влакым – Чумбылатым, Полтышым, Мамич-Бердейым, Акпатырым, Акпарсым да шочмо мланде верч шогышо моло енымат – шарна. Ончыкыжымат шке калыкнам пагалаш, шочмо йылмынам аклаш, марий тўвыранам йўраташ, кугезе йўланам жаплаш ўжам.

**Марий Оньыжа Александров
Эдуард Васильевич.**

Кў лияш?

Тўняште шуко тўрлў профессий уло. Илышыште кажныже кўлешан. Нунын кокла гыч шкалан келшышым ойырен моштыман. Мый гын шофёр лийнем, автобусым вўдынем. Ен-влакым кушко кўлеш, тушко нангаем. Нуно таум каласат, поро шомакым ойлат.

Сева НИКИТИН.
Кужэгер, Шўдымарий.





МАРИЙ МУТЧО



МАТРОСОВА
Лидия Сидоровна,
филологий шанче кандидат, доцент

Шочмо вер: Пошкырт кундем, Мишкан район, Кугу Соказа ял.

Шочмо кече: 1966 ий 12 август.

Тунемме вер: 1973-1981 ийла – Пошкырт кундем, Мишкан район, Кугу Соказа кыдалаш школ; Благовещенск олесе педагогический училище (1981-1985 ийла); Марий кугыжаныш университетсые историй да филологий пӧлка (1985-1990 ийла); Марий кугыжаныш университет пеленысе аспирантур ден докторантур (1991-1994 ийла).

Диссертаций теме: «Кызытсе марий литератур йылмыште лӱман составной сказуемый» (1995 ий, Марий кугыжаныш университет). Вуйлатыше – филологий науко доктор, профессор, академик И.С.Галкин.

Паша корно: 1994-2000 ийла – Марий кугыжаныш университетсые финн-угор йылме кафедрын старший преподавательже, доцент; 2000-2008 ийла – марий йылме кафедрын доцентше; 2008 ий гыч марий йылме да литератур кафедрын вуйлатышыже.

Шымлыме паша: 70 утла шанче пашан, 1 монографийын да ятыр книган авторжо. Эн кугу пашажлан «Обратный словарь марийского языка» мутерым шотла.

Чаплӱм: Марий Эл Республикын Кугыжаныш Погынын Чапкагазше (2012 ий); Марий Эл Республикысе образований да науко министерствын Чапкагазше.

- Лидия Сидоровна, шымлызе лияш шонымаш кунам толын?

- Шымлызе лияш шонымаш, очыни, варарак толын. Марий кугыжаныш университетым тунем пытарымеке, икмыняр жап пелашем дене Германияште лийынна. Тудо тушто служитлен. Но мыланем шымлыме паша онай чучын. Йошкар-Олашке 1992 ийыште пӧртылынам. Иван Степанович Галкинын «Аспирантурышко пурет мо?» манын йодмекыже, «Йӧра, пурен ончем» манынам. Аспирантур деч ончыч Иван Степановичын вуйлатыме йылме лабораторийыште тыршенам. Тыште мый математике дене термин-влакым ышташ тӱнгалынам. Вара аспирантурышко тунемаш пуренам да тудын вуйлатымыж почешак диссертацийым возенам. Темым шке ойырен налаш лийын. Профессор, филологий шанче кандидат Зиновий Васильевич Учаев морфологий да синтаксис дене кылдалтшым налаш темлен. Тыге шымлызе лияш шонымашем Германия гыч пӧртылмеке шочын. Мыланем шымлен кертам манын ушаненйт. Ик статьям, весым возет – кумылат лектеш.

- Молан лач йылмым ойыренда, а литературым огыл?

- Мый Благовещенский педучилищым пытаренам. Икымше специальностем – тӱнгалтыш классыште туныктышо, воспитатель. Мыйын тунеммем годым моткоч тале йылмызе, филолог Надежда Ивановна Бушкова лийын. Йылме дене ала материалым шуко пуэн? Ала-молан, мый шкат ом пале, йылме вуйышко шынген, утларак онайла чучын. Тудым чотрак йӧратенам.

- Те финн йылмым сайын паледа. Кунам тунемаш тӱнгалында?

- Университетыш тунемаш пурымеке, икымше курс гычак мый финн йылмым тунемаш тӱнгалынам. Ме ик ий гына тунемын улына. Аспирантурышто келгырак тунемынам, а вара – шке семын. Финляндийыш, Шведийыш коштынам, стажировкышто лийынам.

Х.АЛЕКСАНДРОВА мутланен.

*Марий йылме ик
ыверыште ок
шого, тудо «пог-
вижрый», виажше,
эре вашталтше,
моткочак рижый,
лотор, эконо-
мый йылме.
Тачысе кечын
йылме йолеш
марий «кыркы-
рат» гынат, мый
шонем: мелинар
йылмына йӧршы-
рак ок йол.*

«Этномир» сенгышым палемден




Авторын фотожо-влак.

нерген шымлымашыж дене сенгышыш лектын. **Вера Малышкина** ден **Алина Николаева** (Звенигово, Чакмарий), **Света Абашина** ден **Алия Вафина** (Йошкар-Ола, 4-ше №-ан гимназий) 5-8-ше класслаште тунемше-влак коклаште икымше верым сенген налыныт. Политехнический лицейын тунемшыже **Наташа Чиркован** (10 кл.) шымлыме пашажым жюри кўжышын аклен.

Йылме, тўвыра, историй кеч-могай калыкын илыш негызшылан шотлал-тыт. Нине йодышлам радамлыше «Этномир» республикысе шанче-практик конференций Национальный президент интернат-школышто кокымшо гана эртен. Мутланымашке туныктышо, шанче пашаен да тунемше-влак ушнелыт. Вич секций пашам ыштен.

Изирак ийготан-влак коклаште **Анна Соколова** (снимкыште) (Национальный президент инт.-шк.) мочыла



Л.ГРИГОРЬЕВА.



Марла чаткан кутыра

Диана Егорова (снимкыште) Медведево район Шойбулак школышто тунемеш. Кызыт 7-ше классышке коштеш. Марий йылме урокым моткоч йората. Тыгак Дианалан математике ден физкультур предмет-влак келшат.

– Ончыкыжым кō лияш шонет? – йодым.

– Марий йылмым туныктышо, – вашештыш ўдыр.

7-ше «А» классыште тунемше-влак кажне ийын «Марий йўла чоныштем ила» пайремыш ушнат.


Нуно мурат-куштат, марий сценкым ончыклат, ожнысо марий модыш дене палдарат. Йолташыже-влак дене пырля Дианат чолгалыкшым ончыкта. Тудо эше почеламутым лудмо конкурсшто мастарлыкшым терга.

Ўдыр марла чаткан кутырен мошта. Кōранашат лиеш! «Амалже кушеч?» – йодыда. Вашмут пеш тыглай: Диана каныш годым Морко районышто илыше коваж деке чўчкыдын унала коштеш. Коважак марий йылме дек шўманден. Сандене ўдыр икымше мутшым – «ава» шомакым – марла пелештен.

Х.АЛЕКСАНДРОВА.

Мут поянлык

Йылмым петыраш (тўкылаш, суралаш) – шылпандараш. Иктаж-кōн ойлымыжым чараш, ойлаш эрыкым пуаш огыл.



Шудо каваныште имым кычалме гай кычалаш – кеч-мыняр кычал, йомдарымым садикте от му.




(Ф.Т.Грачеван «Марий фразеологий мутер» книгаже почеш.)

Йылме – айдемын шїм кумыл ден вийже...
Миклай КАЗАКОВ.

#МЫЙНОЕМДЕНЕМКЕЛШЕТ?

Тендан шонь-маште, олаште илыше самырык тукумлан марий йылме кўлеш мо? Марий йылмын пўрымашыже нерген мом каласеда?

Эльвира ТРИФОНОВА,
Марий Эл Республикысе тўвыран сулло пашаенже:



– Кеч олаште, кеч ялыште иле – марий улат гын, марий йылмым тунемман! Тыгай примерым каласем. «Марий паша» ансамблын участникше-влакын икшывышт-влак ончыч пеш моторын марла мутланат ыле. Изи-влакым колыштын йоратет ыле. Йочасадыш кайышт – чыла йомо. Ача-авашт дене пырля репетицийыш толыт, ынде рушла гына мутланат. Эх, мыйын шоньмаште, марий йылме нимоланат чаракым ок ыште.



Кажнылан шерге

эл, весылан – шочмо сурт, кумшылан – ава... Түрлө тунемме төнежласе студент-влакын лудмо почеламутышт гыч тиде раш койын. Касым Марий кугыжаныш университетын 3-шо курсышто тунемшыже Надежда Имаева «Ото» почеламут дене почын. Марий, руш, азербайджан, грек, француз, таджик, узбек, башкир, татар, индий, корей, араб – чылаже 11 йылме дене сылынмут йонгалтын. Йот йылмым от пале гынат, колыштмек, чонлан моткоч шокшын чучын. Вет кажнылан шке шочмо йылмыже шергакан.

Х.АЛЕКСАНДРОВА.

Ушан ой

Кызыт мый марла книга-влакым лудам. Мыланна шочмо марий йылмынам палаш күлеш.

Никита КРЫЛОВ.
Морко, Коркатово.

Правил тўняште

Обращений логалеш гын, Пунктограммет шарналте чын! Мут покшелне тиде ой – Кок могырыштат запятой.

Сложный предложенийышке Ушем мут пура вашке. Ик частицым – «АТ» Вашке пуртен шындат. Вияш оят аныртара, Түрлө знакым шындыкта. Кок точко, кавычке, тире – Палаш күлеш эре.

Кок енын мутланымаш – **Диалог** лиеш манаш. Эре у корно гыч тўнал, Тире дене удырал.

Икгай каласалтеш да возалтеш, «**Омоним**» манын ойлалтеш. Мутлан: гаче шокшо кече, Вургемем кошкенак кече.

Икгай значениян мутым «**Синоним**» манын лудым. Чевер, мотор, сылне мут – Чылан улыт икгай мут.

Ваштареш лўман мутетым «**Антоним**» манын лудын лектым. Шеме – ошо, йўштō – шокшо – Нине мутым шарнаш полшо.


Л.СОШИН.

Куанен вучена

Кажне арнян йоратыме «Ямде лий» газетнам уло кумылын вучена. Тудым ме марла лудмаш уроклаште, урок-влак деч варат лудына. Йомак, тушто, ойлымаш – чылажат мыланна келша. Марий Эл деч ордыжтō илыше марий йоча-шамычынат возымышт чоннам куандарат. Ончыкыжым меат школ илышна дене палдараш тўналына.

Анастасия МАТВЕЕВА.

Звенигово, Кужмара.




Кроссворд

Марлашке кусаре

1. Черника.
2. Мужчина.
3. Живот.
4. Костяника.
5. Мочало.
6. Майка.
7. Рябчик.

Полина ЛАТУХИНА.

Советский, Орша.



Руш йылме да литератур арня



Школыштына руш йылме да литератур арня эртыш. Тудо мероприятий-влаклан поян ыле. «Подумай и ответь» йылме КВН-ыште кок команде: «Знатоки» ден «Лингвисты» – уча-шыш. Туныктышына түрлө онгай заданий-влакым ямдылен. Мутлан, фразеологизмын значенийжым умылтара, калыкмутым «погаш» да молат. Ончышо-влакат яра шинчен огытыл – нунылан туштым палаш күлын. КВН-ыште «Лингвисты» команде сенгыш. Тыгак почеламутым лудмо конкурс эртыш. Чыланат грамот дене палемдалтыч. Тиде арня мыланем пешак келшыш. Ме шуко ум пален нална.

Максим ИВАНОВ.

У Торъял, Кузнеч.

Кампеткан шүр

Вачи ден Мичи уремыште шер теммеш модыч.

– Вачи, айда мемнан дек, – үжеш Мичи.

Нуно тунамак Мичимыт велыш куржыч.

Мөнгыштыжө йоча шүрым кочкаш шинче. Йолташыже ушышкат огеш пуро. Вачи омсадүрыштö шога, Мичин кочмыжым ончен, шүвилвүдшым нелы-нелын колта. Вара ок чыте:

– А мемнан авай шүрыш кампеткым пышта-а...

– Чынак?! – кожганыш Мичи. – Тугеже тендан дек каена, йөра? Мемнан шүр тамле огыл.

Шырчык шагат

Сану ден ачаже пошкудыш миеныт. Изи рвезе тушто мом ужы-ы-ын?! Мөнгө пörтылмек, нигузе лыпланен ок керт.

– Ачий, молан мемнан пör-тыштö мурышо кукуна уке?

– «Тит-так» шагатна улыс. Мемнан моторрак тусан, – манеш ача.

– Ай, уке, – Сану ачаж дене ынеж көнө. – Мыланем кугу шагатак күлеш. – Но кудывечыш ончалешат, трук ешара: – Шырчыкшат йөра. Тудат мурас...

– Молан тыланет мурышо шагатше?

– Молан? «Сану, кыне-эл!» манын, йүкым пуа гын, мый вигак вакшыш гыч төрштен кынелам ыле, – чояланаш пиже йоча. – Налат, ачай?

Ачаже пырдыжыште кечыше шагатым ончале. Ты шагатым тудлан кодшо шыжым пуэныт. Шурно погымаште ончык лекмыжлан. Пöлек шотеш. Кузе тудым пырдыж гыч налат? А Санулан мо? Чыштыра веле. Ача шиже: эргын кумылым сакырла шулыкта.

– Йөра, эрла кевытыш пурен ончем.

Но кевытыште кукуан шагат ыш лий.

Ачажын кидым шүалтыме гутлаште Сану кудывечыш лекте, леваш йымаке пурыш. Шарна: кодшо шошым шулдыран уна-влакым вашлияш ачаж дене коктынак омартам ыштеныт ыле. Но тушкыжо шырчык-влак илаш ышт пуро.

Сану пу артана коклаште öран вочко гай омартам вереште. Чиялтен шындет гын, тугай чапле пörт лиеш! Кайыкклан, вуйым луктын, эр-кас мураш веле кодеш!

Омартам öндалын, мөнгө пурыш.



«Пыл мешақыш» тўкныш – ведра гыч опталмыла, йўр тўнале. Мичи, аважын ночко вургемжым ончалын, пелештыде ыш код: – «Пыл мешакет» ок рудалт гын, товатат, огына нөрö ыле...



«Рудалтше мешак»

Изи Мичи уремыште модеш. Кечывал лишан ялыш ала-кушеч пўтырем мардеж толын шуо. Шыргыжше кече, пуйто лўдын, пыл шентеке шыле. Йоча, чыла тидым ужын, модмо лугыч öрын шогале. Каваш ончале. Шем пыл нунын пörт тураште мешак гаяк оварен.

Тиде жапыште, эргым кычалын, ава лекте.

– Нөрет вет, айда содор! – тудым кидше гыч кучыш.

Икшывын шинчажым тулойып йымыктыш. Вара пылвомышто чашма она шорт пудыргымыла шоктыш. Саде тулойыпетын мучашыже ик «Пыл мешақыш» тўкныш – ведра гыч опталмыла, йўр тўнале. Мичи, аважын ночко вургемжым ончалын, пелештыде ыш код: – «Пыл мешакет» ок рудалт гын, товатат, огына нөрö ыле...

– Ачай, а мом кевытыш кондымым вучаш? Теве Миклай чўчўм налаш. Шун шўшпыкымат, гармоньымат шке ышта. Меат огына керт мо? – йоча омартажым кўварыш шындыш.

– Тидыже тыге-э, – шоктыш ача. – Пожале, йөрэнат кертеш... Пырт төрлаташ гын...

– Тугеже шырчык шагатым ыштена?

– Шырчык шагатшымак она керт. Тидлан пеш мастар ег күлеш. Заводысо гай...

Йоча ылыж кайыш:

– Йөра-ла, мурышо шагатшымак она керт гын, мурышо омартажым кертына вет?

Сану я ачажым, я омартам ончалеш. Тыгуглаште кудывече велым кайык муро шергылт кайыш. Моткоч палыме йымыжа йўк! Эрге окнашке ончале. Урем капка ўмбалне мужыр шырчык шинча. Йочам ўжшыла, шулдыржым лоп-лоп-лоп пералта, шойгыктен шўшкалта.

– Теве кушто шырчык шагатет! – Сану ачажым кидше гыч шупшыльо. Омартам öндалын, нуно шулдыран унам вашлияш лектыч.

В.КРЫЛОВ.

В.Н.АНДРЕЕВАН сўретше-влак.

Василий Васильевич Крыловын (Шулдыр Васлийын)

шочмыжлан 4 майыште 65 ий темеш. Тудо 1991-1997 ийлаште «Ямде лий» газетын тўн редакторжылан ыштен.

10 книган авторжо. 4 майыште Морко район

Арын школышто В.В.Крыловым шарныме лўмеш мероприятий лиеш.



**30 апрель -
Пожар деч аралалтме кече**



Тулум йöрыкташ полшо.

Айста перегена

Кажне айдемын тун сомылжо - пуртусым аралымаш. Мыйын шонымаште, тиде йодыш кажным тургыжландарышаш. Пуртус кажне кечын амырга. Завод ден фабрике аяран шикшым шуко луктыт. Чодырашат, пасу ден олыкышат куштырам ятыр ужаш логалеш. Чыла тиде - айдемын осал койышыжо.



Катя ЯКОВЛЕВА.

Волжский, Кугу Корамас.

- ✗ Пушентгыште курьшталт кечалтше электрошоштырым ужыда гын, воктекше ида лишем.
- ✗ Электропередачын юж линий йымалныже ида мод.

Сенькан кыдалаш школ пеленысе йочасадын изирак ийготан группышто кайык-влакым вашлийме пайрем эртаралтын. Йоча-влак мужыр дене шога-лын, кидым кучен, капкам ыштеныт - унала толшо Шошым пайремыш пуртеныт.



Шошо уна-влак

Пырля куанен муреныт, куштеныт, модыныт, туштылан вашмутым кычалыныт. Кайык лийын, келшыше почеламутым лудыныт. Калыкмутым кучылтын, шошо пале дене палдареныт. Пайрем деч ончыч йоча-влак ача-авашт дене пырля шошым толшо кайык-влакым суретленыт. Сурет-влакым ончырыш верандыме.

**В.В.СМОЛЕНЦЕВА,
М.Г.ФЁДОРОВЫХ.
Медведево район.**

Изи озавете

✓ Каструльын көргö могыржым уй але коя дене шуралтеда - шолтымо годым шор оварен ок його.

✓ Кинде сукур воктек олма але паренте падырашым я шинчал чывыштышым пыштеда гын, тудо огеш кошко.



Кенезлан ямдылалтына



Йоча-влак дене меат кенез пагытлан ямдылалтына. Окнаште изирак пакчана уло. Тушто ме

түрлö кушкыл-шамычым ончен куштена. Озымым ончылгоч ыштен ямдылена. Вара пакчашке луктын шындена. Аделина Миронован ачаже, Юрий Сергеевич, моткоч мотор тавым ыштен конден. Тудо окнасе пакчанам сораастара. Икшыве-влак вудым шават. Изинек пашалан тунемыт.

Н.ГОДУНОВА.

Йошкар-Ола, 80-ше номеран йочасад.

**1 май -
Шошо да
паша пай-
рем**

Точко-влакым ушо да суретым чиялте.





Я.Эшпай
лүмеш **Марий**
кугыжаныш
филармоний

Калыкын йодмыж почеш «Марипарк» музыкально-хореографический спектакль **10 да 23 майыште** М.Шкетан лүмеш Марий национальный драме театрыште 18 шагатат 30 минутлан ончыкталтеш.

11 май – Звенигово оласе «Мечта» тўвыра да каныме рўдер, 18 шагатлан.

Лекше йодышым **42-29-39, 78-13-78** номерла дене рашемдыза.

Рекламе.

Шарль Перрон «Спящая красавица» йомакыштыже принцессе мынар ийлан мален колтен?



Книга
Онай, йомакан.
Лудына, лаштыклена, аралена.
Шуко пален налына,
Шинчымаш.
Люба КУЗЬМИНЫХ.
Советский, Ырша.





Сирень тўсым йората

Снимкыште йолташ ўдырем дене коктын улына.

Йолташ ўдыремын лўмжө – Виолетта. Тудлан вашке 8 ий темеш. Виолетта дене йочасадыште вашлийынна. Ынде 4 ий келшена. Йолташ ўдыремын ўпшө пеш мотор. Коваже кажне кечын мотор причёским ышта. Виолетта уроклан эре ямде толеш. Туныктышына чўчкидынак «Молодец!» манын моқталта.

Карина АРБУЗОВА.
Марий Турек, Сардаял.

Яра клеткылам темыза.



Диана СЕМЕНОВА.
Марий Турек, Арбор.

Шола гыч пурлашке: 1. Шокшо эл гыч могай кайык эн ончыч чонештен толеш? 3. Тиде пагытыште У ий каникулыш каена.



Кўшыч ўлыкө:

2. Телым чодыраште лум кия, а шыжым мландым мо леведеш?
4. Упшым чийышевлак корзингашке логалыныт. 6. Ий ўмбалне мо дене мунчалтат? 8. Лышташ велме жап.

5. Лум шулымо жап.
7. Ме йўштылына, капкылым шуарена, лагерьыште канена. Могай пагыт нерген ойлалтеш?

Дина СТОЛЯРОВА.

Медведево, Руэм.

30
апрель –
Ветеринар врачын тўнямбал кечыже



Сўретыште кўшыл арвер-влакым му.



Индекс: Марий Элыште, Пошкырт ден Татарстан кундемлаште - П4696.
Тираж 1000 экз. Заказ 892.
Формат – А-4-8.
Директор-тўн редактор Л.В.СЕМЕНОВА.
E-mail: yamde_lii@mari-el.ru, yamde_lii@mail.ru
Сайтын адресше: yamde-lii.pro,
Тел. 8(8362) 45-22-82(факс)

УЧРЕДИТЕЛЬ-ВЛАК: Марий Эл Республикысе култур, печать да калык-влакын пашашт шотышто министерстве, «Ямделий» газет» кугыжаныш унитарный казна предприятий.
Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Газетым Массовый коммуникаций сферыште да култур наследийым аралымаште законодательством шуктен шогным эскерыше Федеральный службын Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.
Газетым Печать да массовый коммуникаций шотышто Федерал агентствын окса полишыж дене лукмо.

0+ Соцсетьысе адрес-влак: ok.ru/yamdelii vk.com/yamde_lii
Авторын да редакцийын шонымашышт тўрлө лийын кертыт. Серыш-влак мўнгеш огыт колталт. Ак – кутырен келшыме почеш.
Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20 (почтовый) Энерўмбал Амстердам, 1 (фактический).